

**REGULAMENTU NÚ 2/2019, LORON 29 FULAN
NOVEMBRO**

**KONA-BA REGULAMENTU BA HILI MEMBRU FOUN
BA CONSELHO DE IMPRENSA**

PREAMBULU

Tuir Lei Nú 5/2014 kona-ba Lei Komunikasaun Sosiál, Artigu 42.^u, nú 1 no 2, hatete Conselho de Imprensa nu'udar entidade administrativa independente no halo nia atribuisaun no kompeténsia ne'ebé la submete ba diresaun ka orientasaun poder política ruma nune'e mós nú 2 hatete Conselho de Imprensa nia estatutu aprova ho Dekretu Lei ida.

Iha mós artigu 43.^u atribuisaun sira ne'ebé esensiál katak: Conselho de Imprensa iha atribuisaun importante sira atu matan ba konduta profisionál no étika kona-ba profisionál sira jornalizmu no operadór meiu komunikasaun sosiál nian sira, nune'e mós garante atu kumpri kondisaun sira ba asesu no hala'o atividade jornalistika sira.

Iha Estatutu Conselho de Imprensa ne'ebé aprova ho Dekretu Lei nú 25/2015, iha artigu 17.^u nú 8, hatete katak: Conselho de Imprensa mak iha kompeténsia atu organiza eleisaun ba reprezentante jornalista no órgaun komunikasaun sosiál sira tuir nia regulamentu rasik.

Iha artigu 2.^u husi Dekretu Lei nú. 25/2015 kona-ba Estatutu Conselho de Imprensa, iha número 3, hatete katak to'o tinan rua hafoin liu tiha loron 1, fulan janeiru, tinan 2016 ka fó tiha pose ba ninia membru sira bazeia ba saida mak haree tuir mai, Conselho de Imprensa sei aprova regulamentu kona ba eleisaun ba membru sira Conselho de Imprensa nian hosi jornalista no órgaun komunikasaun sosiál sira nian.

Konsidera ba Artigu 47.^u Estatutu nian kona ba prosesu konsulta no prazu atu simu komentariu sira, regulamentu ne'e integra ona sujestaun sira ne'be pertinente no validu ba Conselho de Imprensa, hanesan entidade ne'be iha poder regulasaun no supervisaun orgaun komunikasaun sosial no jornalista sira.

Nune'e, Conselho de Imprensa aprova atu vigora hanesan Regulamentu ba Hili Membru Foun ba Conselho de Imprensa artikuladu sira tuir mai ne'e.

**Kapitulu I
Ámbitu no objetivu**

**Artigu 1.^u
Ámbitu**

Regulamentu ida ne'e nia ambitu mak tuir mai ne'e:

- a) Regulamentu ida ne'e regula kona-ba lala'ok ka mekanismu atu hili membru Conselho de Imprensa sira husi jornalista no mídia-nain sira;
- b) Hodí halo preparasaun kona-ba inísiu prosesu selesaun to'o etapa ikus atu hili membru Conselho de Imprensa foun sira.

**Artigu 2.^u
Objetivu**

Objetivu husi regulamentu ida-ne'e mak:

- a) Regulamentu membru Conselho de Imprensa nu'udar tipu ida atu inísia prosesu forma ekipa téknika no lalaok eleisaun ba membru foun sira;
- b) Prosedimentu ida-ne'e mak Conselho de Imprensa uza nu'udar báze legál atu halo eleisaun ba membru foun sira.

**Kapitulu II
Kandidatu Sira**

**Artigu 3.^u
Kandidatu sira**

1. Kandidatu ba membru Conselho de Imprensa mak;
 - a) Reprezentante nain rua husi jornalista sira;
 - b) Reprezentante nain ida husi nain ba órgaun komunikasaun sosiál.
2. Membru tuan husi Conselho de Imprensa, bele kandidatan dala ida tan de'it.

**Artigu 4.^u
Rekezitu husi Kandidatu sira**

1. Bele sai membro Conselho de Imprensa nian sidadaun sira ne'ebé iha tinan bo'ot ona ne'ebé goja sira ninia kapasidade jurídica tomak;
2. Sei hili membru sira Conselho de Imprensa nian entre sidadaun sira ne'ebé iha kapasidade, integridade no independénsia, kompeténsia téknika no profisionál.

**Artigu 5.^u
Incompatibilidade**

1. Labele hili ema atu sai membru Conselho de Imprensa nian maka:
 - a) Ema ne'ebé nu'udar, ka iha tinan rua liubá, titulár ba kargu iha órgaun soberania ida, ba-ihá órgaun podér lokál ka lideransa komunitária;
 - b) Ema ne'ebé nu'udar, ka iha tinan rua liubá, dirigente partidu político nian;
 - c) Ema ne'ebé hala'o knaar relasaun pública ka asesór imprensa, komunikasaun ka imajen nian;
 - d) Ema ne'ebé nu'udar funsionáriu público;
 - e) Ema ne'ebé nu'udar, ka iha tinan rua liubá, proprietáriu ka membru administraun jerénsia ka diresaun kualkér órgaun komunikasaun sosiál nian.
 - f) Incompatibilidade ne'ebé prevê iha alínea (e) husi

númeru uluk nian labele aplika ba membro sira ne'ebé ema hili nu'udar representante ba orgaun Komunikasaun Sosial nian.

Kapitulu III Prosedimentu eleisaun

Artigu 6.^º Ekipa Tekniku

1. Conselho de Imprensa forma ekipa tekniku ida ne'be inklui membro Conselho de Imprensa no asosiasaun sira ne'be reprezenta jornalista no orgaun komunikasaun sosiál na'in sira atu responsabiliza ba parte operasional husi eleisaun.
2. Ekipa tekniku mak garante fasilidade, konvida jornalista sira no orgaun komunikasaun sosiál na'in sira ba halao prosesu eleisaun ho supervisaun Conselho de Imprensa nian.
3. Foti medida ba infrasaun sira kontra prinsípiu hirak ne'ebé hatu'ur ona iha regulamentu ida ne'e.

Artigu 7.^º**Eleisaun representante jornalista no órgaun komunikasaun sosiál sira nian**

1. Representante sira jornalista no órgaun komunikasaun nian hili liu hosi votasaun livre, diretu sekretu no pesoál eleitor sira nian nu'udar prevee iha lei.
2. Sei hili kandidatu sira ne'ebé maka hetan votu barak no válidu.
3. Bainhira hetan empate maka sei hala'o votasaun dala-ida tan entre kandidatu sira ne'ebé hetan votu barakliu.
4. Bele kandidata-an no ema hili nu'udar representante jornalista sira nian, jornalista sira ne'ebé iha kapasidade ho karteira profesional ne'ebé fo sai husi Conselho de Imprensa ne'ebé la halao kna'ar sira maka la hanesan ho profisaun jornalista nian tuir artigu 17 lei Komunikasaun Sosial nian no ema propoin husi proponente minimu prusentu 5 husi jornalista sira ne'ebé iha kapasidade ho karteira profesional fo sai husi Conselho Imprensa.
5. Bele kandidata an no ema hili nu'udar representante orgaun komsos sira nia nain ka ema sira ne'ebé okupa kargu jestaun ba Administrasaun ka diresaun orgaun sira komunikasaun sosiál nian ne'ebé rejista ona ba iha konselhu de Imprensa ne'ebé apresenta husi proponente minimu pursentu 10 husi orgaun komunikasaun sosiál ne'ebé rejista ona ba iha Conselho de Imprensa tuir artigu 28 lei Komunikasaun Sosial nian.
6. Iha direitu atu vota ba representante jornalista sira nian maka jornalista sira ho karteira profisionál fó-sai hosi Conselho de Imprensa, no sira la hala'o knaar sira ne'ebé la hanesan ho profisaun jornalista nian tuir artigu 17.^º hosi Lei Komunikasaun Sosial nian.
7. Iha direitu atu vota ba representante órgaun komunikasaun sosiál sira nian maka representante sira ne'ebé hili tuir lei

ba órgaun komunikasaun sosiál sira ne'ebé rejista ona baiha Conselho de Imprensa, tuir proposaun votu ida ba kada órgaun komunikasaun sosiál.

8. Bainhira hetan ona rezultadu eleisaun nian, Conselho de Imprensa fó-hatene naran reprezentante sira ne'ebé hili ona ne'e ba Parlamentu Nasional.

Artigu 8.^º**Kompozisaun kuorum**

Kompozisaun kuorum mak:

- a) Mai-hosi membru asosiasaun ativu sira;
- b) Jornalista ativu sira;
- c) Mai-hosi proprietaria mídia sira;
- d) Minímu kritériu ida iha leten bele prense kuorum

Artigu 9.^º**Prosesu eleisaun**

1. Atu halao prosesu eleisaun, ekipa tekniku apresenta proposta kona-ba membro atu eleje meja ho representante Conselho de Imprensa nain ida ne'be sai hanesan presidente hamutuk ho asosiasaun sira hotu ne'be plenário aprova ka apresenta proposta seluk.
2. Kandidatu sira tenke apresenta kandidatura ba meja ho lista proponente sira, tuir número 4 no 5 Artigo 7.^º regulamento ne'e.
3. Meja tenke verifika rekizitu no incompatibilidade tuir Artigu 4.^º no 5.^º regulamento ne'e.
4. Bainhira meja aprova kandidatu sira bele loke prosesu votasaun nain rua.
5. Atu halao prosesu eleisaun sei garante urna rua ba votu, ida ba eleisaun representante nain rua husi jornalista no seluk ba representante husi orgaun komunikasaun sosiál na'in ida.
6. Hamutuk ho urna ba votu eleisaun representante husi jornalista tenke iha lista kompletu ho naran husi jornalista ne'ebé simu ona karteira profissional husi Conselho de Imprensa.
7. Hamutuk ho urna ba votu eleisan representante husi orgaun komunikasaun sosiál na'in tenke iha lista kompletu ho naran husi kompania ne'ebé halo ona rejistru iha Conselho de Imprensa.
8. Bainhira jornalista sira atu vota tenke hatudu nia karteira profisionál no delegadu meja votu tenke marka nia naran iha lista.
9. Bainhira representante husi orgaun komunikasaun sosiál na'in sira vota tenke identifica nia an no delegadu meja votu tenke hakerek nia naran iha lista identifica kompania ne'e.

10. Boletim de votu tenke fo indikasaun klaru husi naran kandidatu ida deit.

Artigu 10.^u

Kontazen votu no validade

1. Meja mak organiza kontazen votu.
2. Konsidera votu invalidu:
 - a) Naran husi kandidatu laos lejivel ka labele identifika fasil
 - b) Apresenta informasaun ruma seluk tan
3. Kontazen votu halo direta no anunsia kedas iha fatin votasaun.
4. Ekipa tekniku mak apresenta relatorio rezultadu eleisaun nian
5. Conselho de Imprensa mak prepara akta no haruka ba Parlamentu Nasionál.

Kapitulu IV

Finál no Tranzitóriu sira

Artigu 11.^u

Norma subsidiariu sira

Norma sira ne'ebé la temi iha regulamentu ida ne'e, sei deside tuir artigu 8 regulamentu ida ne'e.

Artigu 12.^u

Tama Iha Vigór

Regulamentu ida ne'e tama iha vigór hafoin publiqua iha Jornal da Repúblika.

Aprova hosi membru Conselho de Imprensa iha loron 29 fulan Novembru tinan 2019

1. Virgílio da Silva Guterres: _____
Prezidenti

2. José Maria Ximenes: _____
Membru

3. Hugo Maria Fernandes: _____
Membru

4. Paulo Adriano da Cruz Araújo: _____
Membru

5. Francisco Belo Simões da Costa : _____
Membru